

KANTON SARAJEVO**URED ZA BORBU PROTIV KORUPCIJE I UPRAVLJANJE KVALITETOM**

ulica Reisa Džemaludina Čauševića br. 1 71 000 Sarajevo

ID broj 4200990200002

koga zastupa šef Ureda, Erduan Kafedžić, (u daljem tekstu: Kupac)

i

INTER-COM d.o.o. Zenica

Ulica Vrandučka 71b, 72 000 Zenica

ID 4218087760006

koga zastupa direktor Safet Škaljić (u daljem tekstu Prodavac)

zaključili su

UGOVOR O KUPOPRODAJI NAMJEŠTAJA**Član 1.****(Predmet ugovora)**

Predmet Ugovora je nabavka i isporuka namještaja prema uslovima ponude broj: 483-a/19 OD 29.11.2019. godine, zaprimljene pod brojem: 20-14-42291 od 02.12.2019. godine, i konačne ponude nakon okončane E-aukcije od 04.12.2019. godine.

Član 2.**(Obim isporuke)**

Obim isporuka iskazan u tački 1. ovog Ugovora, obuhvata:

1. isporuku namještaja u pripremljenim prostorijama Kupca,
2. montažu,
3. održavanje u garantnom roku.

Član 3.**(Vrijednost ugovora)**

(1) Ukupna cijena za isporuke i radove po ovom Ugovoru iznosi:

Ukupna cijena bez PDV-a	8.930,00 KM
PDV 17 %	1,518,10 KM
Ukupna cijena sa PDV-om	10.448,10 KM

Slovima: (desethiljadačetiristotinečetredesetosam i 10/100 KM).

(2) Cijena po ovom Ugovoru podrazumijeva paritet fco Sarajevo, isporučeno na sjedište Kupca (ul. Reisa Džemaludina Čauševića 1), ocarinjeno, bez poreza na promet.

Član 4.**(Način plaćanja)**

Plaćanje za uredno isporučenu robu će se izvršiti u roku od **30 dana od dana isporuke robe i izdavanja fakture.**

Član 5.**(Rok isporuke)**

Rok za isporuku namještaja iz tačke 1. ovog Ugovora je odmah po potpisivanju Ugovora, a najkasnije do **30.12.2019. godine.**

Član 6.

(Primopredaja)

- (1) Primopredaja namještaja vrši se potpisom otpremnice a ista se potpisuje nakon kvalitativnog i kvantitativnog prijema namještaja, koju će izvršiti Ured za borbu protiv korupcije i upravljanje kvalitetom Kantona Sarajevo.
- (2) Ukoliko se pregledom utvrdi da kvalitet i kvantitet ponuđenog namještaja ne odgovara traženom i ponudom utvrđenom kvalitetu i kvantitetu, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu prodavca.

Član 7.

(Garancija)

- (1) Za ugovoreni namještaj iz tačke 1. ovog Ugovora Prodavac daje garanciju na kvalitet i funkcionalnost u trajanju od:
 - (2) 12 (slovima: dvanaest mjeseci od dana isporuke).**
- (3) Garancija za namještaj obuhvata sve kvarove nastale uslijed grešaka u projektovanju, proizvodnji i materijalu.
- (4) Prodavac će u toku garantnog perioda održavati namještaj u funkcionalnom stanju, odnosno popraviti ili zamijeniti, po svojoj ocjeni komponentu ili neispravni dio namještaja koji podliježu garanciji.
- (5) Sve neispravne komponente ili dijelovi namještaja ostaju vlasništvo Prodavca.
- (6) Garancija se ne priznaje u slučaju kada je do kvara na namještaju došlo uslijed:
 1. nepravilne, nestručne upotrebe namještaja,
 2. neadekvatnih uslova za rada namještaja,
 3. više sile i
 4. drugih nepredviđenih događaja.
- (7) Kupac gubi pravo na garanciju ako u toku garantnog perioda, bez pristanka Prodavca, sam ili putem trećih lica vrši popravke na predmetu Ugovora.

Član 8.

(Obaveze Kupca/Prodavca)

- (1) Kupac i Prodavac se obavezuje da u roku od 24h od potpisa Ugovora obavijeste Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.
- (2) Prodavac se obavezuje da će po isteku garantnog roka obezbijediti Kupcu nabavku rezervnih dijelova u periodu od najmanje 36 mjeseci.

Član 9.

(Način rješavanja sporova)

Sve eventualne sporove koji proisteknu iz ovog Ugovora rješavati će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

Član 10.

(Stupanje na snagu ugovora)

- (1) Ugovor se dostavlja na potpis izabranom ponuđaču u skladu sa članom 72. stav (1) ili članom 98. stav (5) Zakona o javnim nabavkama ("Službeni glasnik BiH" broj:39/14).
- (2) Ponuđač je dužan prihvatiti i potpisati ugovor u roku od 3 dana od dana prijema istog, u suprotnom će se smatrati da ponuđač odustaje od ugovora.

Član 11.
(Završne odredbe)

- (1) Prodavac nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.
- (2) Sve eventualne dopune i izmjene ovog Ugovora moguće je obaviti nakon provođenja zakonom utvrđenih procedura, pismeno, potpisivanjem novog Ugovora, uz saglasnost ugovornih strana.
- (3) Ovaj ugovor je sastavljen u 4 (četiri) istovjetna primjerka od kojih svaka ugovorna strana dobija po 2 (dva) primjerka.

KUPAC
KANTON SARAJEVO
Ured za borbu protiv korupcije i
upravljanje kvalitetom Kantona
Sarajevo


PRODAVAC
INTER-COM d.o.o.



ŠEF UREDA

Erduan Kafedžić

Broj: 20-14-41455-13
Datum: 17.12.2019. godine



Direktor

Harif Skaljčić

Broj: 406-12/19
Datum: 23.12.2019.